

خبرنامه محاکمه

جمعه ایرتسی

تومرو	ذی القعدة	سنة	مايس	سنة	صفحة
۷۰۴	۱۱	۱۳۱۰	۱۵	۱۳۰۹	۱۰۳۸۱

(اشبوغزته بهر هفته جمعه ایرتسی کونلری چیقار . سنه لکی درساعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرقتی ضم اولنور . هر)
 (نسخهمسی ینه مجیدیه یکریمی غروش اولق اوزره یوز پارهیه هر یرده صاتیلور . درج اولنه جق)
 (اعلانک هر برندن برمجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

ضمننده عدلیه نظارت جلیله سندن مذکور مدعی
 عمومیلکه مأذونیت ویرلشدیر .

قسم رسمی

اقسرای قضایی بدایت محکمه سی مستنطق
 سابق میساق افندیکن سائقه ارتشا ایله خلاف
 قانون معاملات جرأت ایلدیکی اخبار ایلمسی
 اوزرینه جریان ایدن تحقیقاتی شامل اولوب
 قونیه ولایتی استیناف محکمه سی مدعی
 عمومیلکنندن ارسال قلنان اوراقده مندرج
 اخباراته نظراً مومی الیهک تحت محاکمه النمی

قسم غیر رسمی

صندوقی بدایت محکمه سندن ۲۶ کانون ثانی
 سنه ۳۰۶ تاریخی وایکوز یکریمی ایکی عددی ایله

ویریلان اعلامك تميزنى استدعايدن سندقل
قضاينه تابع شيخلو و كيككر ناحيه سنده مسكون
موجات عشيرتندن محال اوغلى ابراهيم وملاسلان
اوغلى على وقبور اوغلى موسى وحاجى احمد اوغلى
ايش وطوپال بك اوغلى حسن وطورالى اوغلى
مصطفى وديكر مصطفى ايله تحته صقال اوغلى مصطفى
والاكوز عمر وطوپال احمد وحاجى قره على
وحسن حسين اوغلى حسن وضبطه حسن وتخته
صقال اوغلى بكر و همت ايله مميز عليهم قضاء
مذكوره مربوط قوم غير محصور جادى قريه سى
اهالىسى يوم معينه دائره به كدكلى و طرفلرندن
بروكيل كوندردكلى كى قريه مذكوره
اهالىسى طرفندن جواب لايحه سى دخی ارسال
قلندىغندن باش مدعى عمومىك مأموريت
عليه سنك مطالعه نامه سى الذقدن صكره اصول
محكمة حقوقيه قانونك ايكوز يكرمى طقوزنجى
ماده سى موجبجه تدقيقات تميزيه اجرا سنده
ابتدار قلندى .

اعلام مذكورك خلاصه مالى قريه مرقومه
اهالىسنك طوليجه ویرانی نام موقعده كائن
باطاپو عهده تصرفنده بولنان سكسان دونم مقدارى
معلوم الحدود برقطه اراضى و قريه مذكوره به

جارى صوبه عشيرت مرقومه جانبندن ابنه
انشاسيله فضولا وقوعبولان مداخله نك معنى
طلب و دعوى ايتلى و عندالحاكمه عشيرت
مرقومه دخی كندولرى اراضى مذكوره به
حكومت سنیه جانبندن اسكان ايدلدكلى بى باليان
اولابده كى معامله بى و مذكور جادى قريه سى
اهالىسنك مذكور اراضى به منع مداخله سى حاكى
برقطه مجلس اداره مضبطه سى ابراز و اعطا
ايتلى اوزرينه محكمه مذكوره به اجرا قلنان
محكمه و تدقيقات نتیجه سنده اراضى مذكوره
من القديم قريه مذكوره اهالىسنك تحت تصرفنده
بولندىنى اولابده ابراز اولنان طاپو سنداقى
و استماع اولنان شهودك شهادتلى و اراضى
مأمورى حضوريله اجرا اولنان كشف و تحقيقات
ايله تين ايتسند مبنى مجله نك بيك يديوز اوتوز
يدنجى ماده سنده توفيقاً اراضى و مأجارى مذكوردن
عشيرت مرقومه نك مداخله لر نك منعه و انشا
ايتدكلى خانه لك هدميله مدعيله تسليمه
حكمدن و مستدعى عشيرت مرقومه دن ابراهيم
ورفقا سنك اشبو حكم عليه نده كى اعتراضلر نك
باشلوجه سى دعواى واقعه قريتين اهالىسنه وشو
صورتله عمومى عائد اولدنى حالد اثنای محكمه ده
مدعى عمومىك حضوريله مطالعه سنك استماع

قلنامى مغاير قانون اولديغند بختله اعلامك نقضى
استدعا سندن و اتف البيان مطالعه نامه دخی اهالى
قريه نك قوم محصور اولوب اولدقلى نك رسماً
تحقيقيله قانون دائره سنده تشكيل طرفين ايدلامش
واثنای محكمه ده مدعى عمومى استماع قلنامش
و اجرا قلنان كشف اصول محكمه نك التمش
اوچنجى ماده سى احكامنه توفيق ايدلامش اولسند
مبنى اعتراضات واقعه نك موافق قانون اولدنى
بيانندن عبارت بولنمشدر .

ايجابى مذاكره اولندقد اعلام مذكور
مندرجاتندن منقهم اولدنى اوزره بدایه مدعى
عليهم بولنان عشيرت مرقومه نك قوم محصور
اولسى جهتيله بولرك على الانفراد اساميلر نك
تعينيله مدعيله تعيين شخص و تصحيح دعوى
ايتدير يله رك قانون دائره سنده تشكيل طرفين
ايدلسى لازم كلورايكن محكمه به بويولده معامله
اجرا قلنامسى و كندولر نك منازع فيه اراضى به
حكومت سنیه جانبندن اسكان ايدلدكلى عشاير
مرقومه جانبندن ادعا ايدلسند كوره محكمه به
فى الحقيقه عشيرت مرقومه نك اوراده اقامتلى
بوصورتله وقوعبولان اسكان ايله ميدر يوخسه
فضولى غضباً ميدر بورلرى حقتده دخی تدقيقات

لازمه اجرا سيله تين ايدده جك حاله كوره حكم
ايدلك مقتضى اولدنى حالد بوجهت حقتده دخی
تدقيقات اجرا قلنامسى مخالف قانون اولدنى كى
دعواى واقعه عموم قريه اهالىسنه عائد اولسيله
اثنای محكمه ده مدعى عمومىك حضوريله
مطالعه سنك استماع قلنامسى و محل منازع فيه حقتده
اجرا اولنان كشف اصول محكمه نك التمش
اوچنجى ماده سنده كوستر يلان اصوله توفيق
اولنامسى و اثنای محكمه ده حاضر بولنديريلان
طاپو كاتبك دعواى مذكوره به دائر مطالعه سنك
استفسار و استماع قلنامسى مغاير اصول و قانون
اولديغنه و ذكر اولنان مطالعه نامه دخی بوجهت
متدائر اوله رق شايان قبول كوردليكنه بناء اصول
محكمه حقوقيه قانونك ايكوز اوتوز ايكنجى
وايكوز قرق برنجى ماده لرى موجبجه اعلام
مذكورك نقضه و زيرده مفرداتى مرقم بشيوز
طقوز غروش مصارف تميزيه نك ايلروده حقسنز
چيقه جق طرفه رجوع اتمك اوزره اول امرده
مستدعيلردن النسنه ۱۹ اغستوس سنه ۳۰۸
تاريخنده متفقاً قرار ویرلدى .

چورلی بدایت محکمه سندن ۱۵ تشرین اول
سنه ۳۰۴ تاریخی ویکرمی بش عددی ایله ویریلان
اعلامک تمیزینی چورلی قصبه سنده مقیم دعوی
وکیللرندن احمد خلوصی بک با عرض حال استدعا
ایتدیکي حالدہ تعیین قانسان کونده دائرہ به کلدیکی
کبی مدعی علیهمدن قصبه مذکورہ نک بابا یانی
محلہ سنده مقیم زراعدن صراندی کلہرک اندریا
و یاغونیچہ و قترینہ دخی کلدکارندن یا لکر مرقوم
صراندینک ایضاحات شفاہیہ سبیلہ باش مدعی
عمومی معاونلرندن سعادتلو یورغاکی افدینک
مطالعہ سی استماع قلندی .

اعلام مذکورک خلاصہ مالی مرقومون
اندریا و یاغونیچہ و قترینہ نک والدہ لری متوفاه
زوئیچہ دن انتقالاً عہدہ تصرفلرندہ بولسان
چورلی قصبہ نک بسقو محلہ سنده کائن معلوم الحدود
بر باب ملک خانہ بی ورثہ مرقومہ نک وصیلری
صراندی یورکی افدیندن سنوی اون بش لیرا
اجرتلہ مومی الیہ خلوصی بکک استیجار ایلدیکي
اقراریلہ ثابت اولوب میر مومی الیہک مذکور
خانہ ده اقامت ایلدیکي درت سنہ درت آباقی مدت
بدل ایجارندن ورثہ مرقومہ به غیراز استیفا دینی
اولدینی تحقق ایدن بیک اوچیوز کسور غروشک

تحصیللہ خانہ نک تخایہ سنہ و مذکور خانہ نک
مستملاتندن اولان بر باب دوغرامہ جی دکانک
عدم تسلیمندن طولایی اجر مثلک بدل ایجاردن
تزیلنہ متدائر مومی الیہ خلوصی بکک درمیان
ایلدیکي دعوی حادثہ نک دیگر ورثہ به شمولی
اولیوب دکان مذکورہ واضع الید بولنان ورثہ دن
اندریادن دیلدیکي حالدہ آروجه اقامہ دعواہ
مختار ایدوکنہ حکمدن و مستدعی احمد خلوصی
بکک اشبو حکم ابتدائی علیہندہ کی اعتراضک
باشلوجہ سی بدایہ محاکمہ جاریہ ده ورثہ طرفندن
وکیل تعیینلہ برابر وصیلری دخی حاضر بولمش
اولوب اگر ورثہ هنوز اثبات رشد ایتامش
ایسہ یا لکر وصی طرفندن اقامہ دعوی اولمش
و ورثہ اثبات رشد ایتدکری حالدہ وصی مرقومک
محاکمہ به داخل اولماسی لازم کلور ایکن محکمه
بدایہ تشکیل طرفینچہ قانونہ رعایت اولمیرق
رؤیت دعوی اولمش قانونہ مغایر اولدینندن بحالہ
اعلامک تقضی استدعا سندن و مدعی علیہمانک
نتیجہ جوانی دعوی واقعہ بالوصایہ و بالاصالہ
اقامہ اولنہرق بولنہ ده رؤیت و حکم اولمش
و خصملری طرفندن بدایہ بوبایدہ برادعا درمیان
قلنامش اولوب بدایہ در میان ایدیلان ادعائک ایسہ
تمیزاً مسموع اولمیرجینی بدپی بولمش اولدینی

بیانیلہ اعتراضات واقعہ نک ردی و اعلامک تصدیق
طلبنندن و معاون مومی الیہک مطالعہ سی دخی ورثہ
مرقومہ نک تحت وصایتہ اولدینی اعلامده محرر
اولوب فی الحقیقہ هنوز اثبات رشد ایدلمیرک
تحت وصایتہ بولندقلری تقدیرده اثنای محاکمہ ده
مدعی عمومینک بالمداخلہ مطالعہ سنک استماعی
لازم کلہ جکی بیانندن عبارت بولنمشدر .

ایجابی مذاکرہ اولندقدہ اعلام مذکور
مندرجاتندن مفہم اولدینی اوزرہ منازع فیہ
اولان خانہ نک مومی الیہ خلوصی بکک ورثہ
مرقومہ وصیسی بولنان یورکی صراندینک دخی
مدعی صقندہ بولندینقی و ورثہ جانبندن دخی
آروجه وکیل تعیین و ارسال قلندینی اعلامده
محرر اولسنہ کورہ محکمه به اول امرده ورثہ
مرقومہ نک اثبات رشد ایدوب ایتدکلرینک
تحقیقلہ هنوز تحت وصایتہ بولندقلرینک نبوتی
حالدہ اثنای محاکمہ ده مدعی عمومینک حاضر
بولندیریلہرق مطالعہ سنک استماع قلنسی لازم
کلورایکن بوجہتک تحقیقندن ذہول اولنہرق ہم
وصینک و ہمدہ ورثہ طرفندن تعیین قلنان وکیلک
خضم اتخاذیلہ رؤیت دعواہ کیریشلمسی تشکیل
طرفینچہ قانونہ رعایت اولنماش دیمک اولوب

بواسیہ تقضی موجب اسبابندن بولندینقہ و معاون
مومی الیہک مطالعہ سی موافق نفس الامر
کورلدیکنہ بناء اصول محاکمہ حقوقیہ قانونک
ایکیوز اونوز ایکی وایکیوز قرق برنجی مادہ لری
موجبچہ اعلام مذکورک نقضہ و زبرده مفرداتی
مرقم التیوز طقسان بش غروش مصارف تمیزیلہ نک
ایلرودہ حقسز حقیقہ جق طرفہ رجوع ایتک اوزرہ
اول امرده مستدعی تمیز خلوصی بکک النمسہ
۲۲ شباط سنہ ۳۰۵ تاریخندہ متفقاً قرار ویریلہرک
تفہم قلندی .

حمیدیه بدایت محکمه سندن ۱۷ ایلول
سنه ۳۰۷ تاریخی ویکرمی درت عددی ایله ویریلان
اعلامک تمیزینی استدعا ایدن حمیدیه قضا سنہ تابع
حاجی عثمانلر قریہ سنده مقیم زراعدن متوفی احمد
اوغللری محمد علی و امین و مصطفی و صالح وکیل
مصطفی رفعت افندی ایله مدعی علیہا قضاء

مذکورک پنچشنبه ناحیه سینه تابع بلویران دیوانده ساکنه حدوده قادیان وکیل شوکت بک یوم معینه دائره بکدک کردن ایضاحات شفاهیله باش مدعی عمومی معاونی سعادتلو یورغاک افندینک مطالعه سی استماع قلمدقندن صکره تدقیقات تمیزیه اجرا سینه ابتدار اولندی .

اعلام مذکورک خلاصه مالی مزبوره حدوده قادیانک پدری متوفی حاجی خلیل اغادن کندوسیه برادری عثمانه انتقال ایدن بلویران دیوانده کائن معلوم الحدود او بئر قطعه ده سکسان سکر دونم اراضینک نصفه مرقومدن محمد علی ورقفاسنک وقوعبولان مداخله لرینک منعه دائر بارطین بدایت محکمه سندن ویریلان اعلامک عندالتمیز اسباب قانونیه مبنی نقض واعاده قلمسویه طرفین بالتراضی مصالحه اولدقلرندن صکره تنظیم وتعاطی قلنان ابرنامه احکامه مخالفت وقوعبولسینه وصالق واقع حسیله تمیز اعلامنک حکمی قالماسینه مبنی مداخله واقعه نک منعی اراضی مذکورنک بارطین قضاسندن فک ارتباطیه الحاق اولسدینی حمیده قضاسی بدایت محکمه سندن طلب و دعوی وچند قطعه سند ایله برقطعه صاحبنامه ابرازواعطا ایتسی وعندالحاکمه

مرقومونک دعوتیه اجابت ایتاملری اوزرینه وکیل مسخر حضوریه اجرا قلنان محاکمه وتدقیقات ابتدایه نتیجه سنده اراضی مذکورنک ربغه مزبوره حدوده قادیانک متصرف اولدینی اقامه اولنان شهودک شهادتی وکشف وتحقیقات وابرار اولنان صلحنامه وطایوسنداتی مندرجاتیه ثابت اولدیفندن اراضی قانوننک اون دردنجی ماده سی موجبجه مرقومونک منع مداخله لرینه حکمدن و مستدعیلر وکیل رفعت افندینک اشبو حکم علیه ده درمیان ایلدیکی باشلوجه اعتراضی مستند دعوی بولنان صلحنامه مجلس اداره ده وارضی مأموری حضورنده وقوعبولان اقرار اوزرینه تنظیم وتصدیق قلمش اولیوب ورقه عادیه دن عبارت اولدینی حالده محکمه مرقومه جه بوراسینه دقت اولنقسنزین حکم اولنمسی مغایر قانون اولدیفندن بختله اعلام مذکورک تقضی استدعاسندن ومدعی علیها وکیلنک نتیجه جوابی دخی صلح نکوله خصملرینک صلاحیتلری اولدینی بیانیله موافق اصول و قانون اولان اعلامک تصدیقی طلبندن ومعاون مومی الیهک مطالعه سی دخی دعوی واقعه بین الورثه حصه ارنیه تقریقی طلبندن عبارت اوله رق شرعاً فصل وحسم اولنه جق مواددن بولندیغه مبنی محاکم

نظامیه ده رؤیتی وظیفه خارجنده اولدینی بیانندن عبارتدر .

ایجابی لدی المذاکره اعلام مذکور مندرجاتندن اکلشالیدینی اوزره اراضی منازع فیهانک ربغه مزبوره حدوده قادیانک متصرفه اولدینی مبرز صلحنامه مؤداسیه ثابت اولدینیه مبنی مرقومونک منع مداخله لرینه قرار ویرلمش ایسه ده مدار حکم اتخاذ اولنان مذکور صلحنامه محل رسمیدن مصدق اولدینی کبی صالح مذکور مجلس اداره ده وارضی مأموری حضورنده تقریر اولنماش ومدعی علیه لر جانندن عندالحاکمه سالف الذکر صلحنامه نک مضمونی انکار اولنمش اولسینه نظراً بوباید تحقیقات لازمه اجرا سیه تبیین ایده جک حاله کوره مزبوره حدوده قادیانک مذکور اراضینک ربغه تصرفی مرتبه ثبوتیه ایصال اولدقندن صکره ذات مصلحته حکم اولنق قانوناً مقتضی بولنمش ایکن حمیده بدایت محکمه - سنجه بورالری نظردفته المنقسنزین اصولنه توفیقاً تنظیم ایدلمیان صلحنامه احکامه استناداً بوجه محرر قرار ویرلمسی یولسز و اصول وقانونه مغایر و مستدعیلرک اعتراضاتی شایان قبول اوله رق معاون مومی الیهک مطالعه سی دخی موافق

نفس الامر کور یله ماش اولدیفندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکور تقضیه قانون مزبورک ایکوز قرق دردنجی ماده سی حکمنه توفیقاً کیفیتنک یکیدن بالرؤیه اعلامه ربطی ضمننده محکمه مذکوره به اعاده سینه وزیرده مفرداتی مرقم درت یوز اوتوز برغروش مصارف تمیزیه نک ایلروده حقسنز چیه جق طرفه رجوع ایتک اوزره اول امرده مستدعیلر دن الخمسینه کانون ثانی سنه ۳۰۸ تاریخنده متفقاً قرار ویریله رک تفهیم قلندی .

ایکنجی محکمه تجارتدن ۱ تموز سنه ۳۰۵ تاریخنی و بشیوز سکسان عددی ایله اعطا قلنان اعلامک تمیزینی سورمنه قضاسی قائمه قامی خورشید اغا زاده محمد شفیق بک باعرضحال استدعا ایلدیکی حالده تعیین اولنان کونده دائره یه کلمدیکندن مدعی علیه در سعادتنده فتحیه محله سنده مقیم اداره

واعلامك تصديقي طلبندن ومعاون مومى اليهك
مطالعهمى دخى بومقوله كفالت دعوالرينك مجله
احكامنجه حقوق عاديه محاكمنده رؤيتى لازم
كلمه چكى بيانندن عبارتدر .

ايجابى مذاكره اولندقده اعلام مذکور
مندرجانندن مفهم اولدينى اوزره دعواى واقعه
جهت كفالتدن منبعث الاجق ماده سنه متعلق
اولوب بومقوله كفالت دعوالرينك مجله احكامنه
توفيقاً حقوق عاديه محكمه سنده رؤيتى مقتضى
اولدينى حالده محكمه تجارتجه فصل وحسمى وظيفه
خارجنده بولنمش ومستدعى تميز شفيق بكك
اعتراضيله معاون مومى اليهك مطالعهمى شايد قبول
كورنمش اولديغندن اصول محاكمه حقوقيه قانونك
ايكيوز اوتوز ايكنجى مادهسى موجبنجه اعلام
مذكورك نقصنه وزيرده مفرقاتى مرقم اوچيوز
درت غروش مصارف تميزيهك ايلروده حقسنز
چيجه حق طرفه رجوع ايتك اوزره اول امرده
مستدعى شفيق بكك التمسنه ۱۹ شباط سنه ۳۰۶
تاريخنده متفقاً قرار ويريلاهرك تفهيم قاندى .

مخصوصه ياز يميلرندن اسماعيل حقى افندى وكيلى
سامى افنديك ايضاحات شفاهيه سيله باش مدعى
عمومى معاونلرندن سعادتلو بورغاكي افنديك
ايضاحات شفاهيه سى استماع قاندى .

اعلام مذكورك خلاصه مالى مومى اليه
اسماعيل حقى افنديك جهت كفالتدن طولاني
مومى اليه محمد شفيق بك ذمتنده الاجنى اولان
درت بيك بشيوز الى غروشك تحصيلي حكمى
متضمن ايكنجى محكمه تجارتدن استحصال ايلديكى
اعلام غيايى عليهنده مومى اليه شفيق بك جانندن
اعتراض عرضحاللى اعطا قلنمش ايسه ده يوم معينده
ينه كلامش اولديغندن اصول محاكمه حقوقيه
قانونك يوزللى طقوزنجى اصول محاكمه تجارت
نظامنامه سنك سكران دردنجى ماده لرى موجبنجه
اعتراض عرضحاللك ردينه حكمدن ومستدعى
تميز شفيق بكك اشبو حكم عليهنده كى اعتراضاتك
باشلوجهسى دعواى واقعه امور تجاريه دن اولدينى
حالده تجارت محكمه سنجيه وظيفه خارجنده رؤيت
اولديغندن بخله اعلام مذكورك تقضى ومدعى عليه
وكيلك نتيجته جوابى دعوى امره محرر سنددن
متولد اولقله محكمه تجارتجه رؤيت وفصلى قانونه
موافق اولدينى بيانيله اعتراض مذكورك ردى

استيناف بولنمش اولدينى بيانيله اولبابده اعطا
قلنان استيناف استدعاسك ردينه حكمدن واشبو
حكم عليهنده مستدعى ابراهام اغا وكيلى بالقجيان
اوخانس افنديك باشلوجه اعتراضاتى دعواى
واقعه الاجق دعواى اوليوب قيمتى غير معين
عقاره متملق وقابل استيناف بولنمش ايكن محكمه
استينافجه بوراسنه دقت اولنميرق بر منوال
محرر قرار ويريلى مناير قانون اولديغندن بخله
اعلام مذكورك تقضى استدعاسندن ومستدعى
عليهمالك نتيجته جوابلى دخى اعتراضات واقعه
واهى وحكم استينافيك موافق اصول وقانون
اولدينى بيانيله تصديقي طلبندن عبارت
بولنمشدر .

ايجابى مذاكره اولندقده اعلام مذکور
مألندن مفهم اولدينى اوزره حكم ابتدائيك
خد استينافدن دون قيمت اوزرينه مبتى بولنان
بر دعوانك ردينى متضمن اولهرق قابل استيناف
اولدينى بيانيله اولبابده اعطا قلنان استيناف
استدعاسك ردينه قرار ويريلى ايسه ده
دعواى واقعه مبالغ معين اوزرينه اوليوب منازع
فيه اراضيك اجرا قلنان فراغك حجت وعدم صحتنه
متدار واقچه جه مقدارى غير معين دعاويدن

انقره استيناف محكمه سندن ۱ شباط
سنه ۳۰۷ تاريخى واون سكر عددى ايله ويريلى
اعلامك تميزينى استدعايدن نعللو خان قصبه سنده
مقيم مانوقيان هاجى ابراهام اغا وكيلى اوخانس
بالقجيان افندى ايله تميز عليهمادن نعللو خان
قضاسك امام سلطان قريه سنده ساكنه متوفى
حاجى بكر زوجهمسى حميده خاتون كلهرك ايللا
خاتون كلديكنندن وكيل مومى اليه ايله مز بوره
حميده خاتونك ايضاحات شفاهيه لرى استماع
قلنقدن صكره تدقيقات تميزيه اجراسنه ابتدار
اولدى .

اعلام مذكورك خلاصه مالى موبورتان
حميده و ايللا خاتونلرك برقطعه اعلام شرعى وسند
خاقانى موجبنجه متصرفه اولدقلى بربر درهسى
نام محله كلن معلوم الحدود ايكي دونم ترلا و بش
دونم باغ وطوتلغه مرقوم ابراهام اغانك منع
مداخلهسى حكمى ناطق بدايه صادر اولان
اعلام حكمته مرقوم ابراهام اغا جانندن عدم
قناعته انقره استيناف محكمه سنه بالمراجعه استيناف
دعوى اولنمش ايسه ده اعلام ابتدائى مندرجاته
نظراً حكم واقع درت بيك غروش قيمت اوزرينه
مبتى بولنان بر دعوانك ردينى متضمن وغير قابل

اولسنه نظراً اصول محاکمه حقوقیه قانوننک یوز
یتش بشنچی مادهسی موجبجه قابل استیناف
بولنمش ایکن محکمه استینافیهجه بوراسنه دقت
اولنمیهرق قابل استیناف اولدیغندن بختله برمنوال
محررقرار ویرلمسی اصولوقانونه مغایر ومستدعی
تمیز وکیلنک اعتراضی دخی بوجهته متدائر
اولهرق موافق نفس الامر کورنمش اولدیغندن
قانون مز بورک ایکسوز اوتوز ایکنجی مادهسی
موجبجه اعلام مذکورک تقضیه قانون مز بورک
ایکسوز قرق دردنجی مادهسی حکمنه توفیقاً
کیفیتک استینافاً بالرؤیه اعلامه ربطی ضمننده
محکمه مذکوریه اعادهسنه وزیرده مفرداتی مرقم
درتیوز طقسان سکر غروش مصارف تمیزیته نک
ایلروده حقسنز چیهحق طرفه رجوع ایتک
اوزره اول امرده مستدعی ابراهام اغادن النسنه
۲۵ کانون ثانی سنه ۳۰۸ تاریخنده متفقاً قرار
ویریلهرک تفهیم قلندی .

اعلام مذکورک خلاصه مآلی مرقوم
یوانچه نک اسپرو نام کسنه دن اشترا ایتش اولدینی
اوخری قصبه سنده واقع معلوم الحدود بر باب
خانیهی ورثه مرقومه نک مورثری متوفای
مز بور خرسو حال حیاندن بطریق الشفعه تملک
ایتش ایسه ده بدلی اولان اوچ بیک سکر یوزاللی
غروشی قبل الادا وفات ایتدیگندن بختله ورثهسی
مرقوموندن تحصیانی وکیل محمدافندی واسطه سیله
طلب ودعوی ایتسنه قارشو ورثه مرقومه دن

حاضر بولسان دیمتری وعلکساندر واندون
ویانوش دخی مبلغ مدعا بهک مدعی وکیل محمد
افدینک محکمه باشکتابنده بولندینی زمان محکمه
وزنه سنه دیپوزیتو اولهرق تسلیم ایلدیکنی
مدافعه درمیان وسائر خرچلر میاننده یکریمی
غروش دیپوزیتو التدیقنی مین برقطعه علم وخبر
ابراز ایتشدر ایسه ده مذکور علم وخبر ثبوت
مدعا به کافی اولدینی کبی وکیل مومی الیه محمد
افدینک انکاری اوزرینه مومی الیهک تحلیفی
دخی طالب اولدقلرینه مبنی محله بک طقوز یوز
الننجی و بیک التیوز اوتوز ایکنجی ماده لری
موجبجه مدعا به اوچ بیک سکر یوزاللی غروشک
ورته دن تحصیلنه حکمدن ومستدعیلرک اشبو حکم
علیهنده کی اعتراضلرینک خلاصه سی پدرلری
متوفای مرقوم خرسو دونه نک مبلغ مدعا بهی
وقتیله محکمه وزنه سنه تسلیم ایتدیکنی مدافعه
ادعا ورسمی علم وخبر ابراز الیه اثبات مدعا
ایتدکاری حالده محکمه جه بو باده تحقیقات اجرا
ایدلکسزین مبلغ مذکورک تکرار تحصیلنه حکم
اولنمسی یولسز وقانونه مغایر اولدیغندن بختله
اعلامک تقضی استدعاسندن عبارت بولنمشدر .
ایجابی مذاکره اولندقدن اعلام مذکور

مندرجانندن منقهم اولدینی اوزره منازع فیه اولان
خانه بدلنک وقتیله دیپوزیتو صورتیله محکمه یه تسلیم
اولدینی بدایه مدعی علیهم طرفلرندن مدافعه
ادعا و برقطعه علم وخبر ابراز واعطا اولنمسنه
نظراً محکمه جه مدعی عمومی حضور یله بو باده
تدقیقات اجرا ایدیلهرک مبلغ مذکورک مرقوم
یوانچه یه تسلیم اولنوب اولنمدیقنی وتسلیم ایدلنماش
ایسه کیمک یدنده قالدینی تحقیق اولندقدن
ومبلغ مذکورک مرقوم یوانچه یه تسلیم ایلدیکی
تحقیقات الیه ثابت اولدینی تقدیرده طوغری بدن
طوغری یه ویاخود حواله وسپارش طریقله
اخذ وقبض ایتدیکنه دائر مرقوم یوانچه یه مین
ویرلدکن صکره نتیجه حاصله یه کوره حکم
اولنمسی لازم کسور ایکن محکمه جه بو دائره
قانونیه ده اجرای تدقیقات ایدلکسزین برمنوال
محررقرار ویرلمسی قانونه مغایراولوب مستدعیلرک
اعتراضلری شایان قبول ایدوکنه بناء اصول
محاکمه حقوقیه قانوننک ایکوز اوتوز ایکنجی
مادهسی موجبجه اعلام مذکورک تقضیه قانون
مذکورک ایکوز قرق دردنجی مادهسی حکمنه
توفیقاً کیفیتک یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی
مرقم اوچ یوز سکسان اوچ بچق غروش مصارف

تمیز به نك ایلروده حقسز چقه جق طرفه رجوع
ایتمك اوزره اول امرده مستدعی ورثه مرقومه دن
المنسنة ۳ ایلول سنه ۳۰۸ تاریخده متفقاً قرار
ویریلرک تفهیم قلندی .

مرسین تجارت محکمه سندن ۳۰ تشرین اول
سنه ۳۰۷ تاریخی ویکرمی درت عددی ایله
ویریلان اعلامك تمیزی استدعا ایدن مرسینده
مقیم تجاردن کشیش اوغلی دیمستوفی وکیل یوردان
افندی یوم معینده دائره به کش ايسه ده مدعی علیه
مرسین تجارندن مغردیج سلیمان افندی کلدیکنندن
یا لکز وکیل مومی الیهك ایضاحات شفاهییه سی استماع
قلنه رق تدقیقات تمیزی به اجرا سنه ابتدار
اولندی .

اعلام مذکورك خلاصه مالی من بور مغردیج
سلیمان افندیك صامش اولدینی خطه ائمانندن
مرقوم دیمستوفی ذمتنده الاجبی بولنان بیک بش

یوز اوتوز برغروشك مع اجرای موقت تحصیانی
دعوی و برقطه دفتر ابراز واعطا ایتمسته قارشو
مدعی علیه دخی او مبايعه نك کندوسنك یونان
ترجانی بولندینی صروده وقوعی حسبیه دعوی
واقعه نك هیئت مختلطه حضورنده رؤیتی لزومی
درمیان ایلمش ايسه ده مدعی علیه مرقومك
شمیدی حالده ترجانانی تركله تابعیت اصلیه سنه
رجعت ایلدیکی سجلات محاکم ایله مثبت بولندینی
جهتله دعوی مذکورنك هیئت مختلطه معرفتیه
رؤیتی لازم کلیه چکنه قرار ویریلرک اساس
ماده نك اجرای محاکمه سی چون تعیین اولنان
کونده مدعی علیهك کلامی اوزرینه اصول
محاکمه تجارت نظامنامه سنك ماده مخصوصه سی
موجبجه غیاباً اجرا قلنان تدقیقات نتیجه سنده
مدعیك ادعای مذکور دفتره مستند اولدینی
بیانیله مبلغ مدعا بهك مع فائض تحصیلنه و اجرای
موقت ادعاسنك ردینه حکمدن و مستدعی تمیزی
وکیل یوردان افندیك اشبو حکم علیه نه درمیان
ایلدیکی باشلوجه اعتراضی وکیل مسخر تعیین
قلنمقسزین قانوناً مدار حکم بولنمیان دفتره بناء
حکم ویرلمی مغایر قانون اولدیغندن بحثله اعلام
مذکورك نقضی استدعا سندن و مدعی علیه
مغردیج سلیمان افندیك لایحه سنده محرر نتیجه

جوابی دخی حکم ابتدائیک موافق اصول و قانون
اولدینی بیانیله تصدیقی طلبندن عبارت
بولنمشدر .

ایجابی لدی المذاکره اعلام مذکور
مندرجاتندن مستبان اولدینی اوزره درجه اولی
محکمه سنجه مدعی علیهك غیابنده حکم ایدلمش
اولسنه کوره مرقومك عدم اجابتی اوزرینه
محافظة حقوقی ضمانتده محکمه جه بروکیل مسخر
تعیینیه انك حضورنده مدعیك دعوی وینه سی
استماع اولنهرق حاصل اوله حق نتیجه کوره
حکم ویرلمی محله نك بیک سکر یوز اوتوز
دردنجی و اصول محاکمه حقوقیه قانوننك یوز
قرق بشنجی ماده لری احکامی اقتضاسندن اولدینی
حالده وکیل مسخر تعیین قلنمقسزین مبرز دفتره
بناء بر منوال محرر حکم ویرلمی یولسز و اصول
و قانونه مغایر و مستدعی تمیزی وکیلنك اعتراضی
دخی بوجهتله متدائر اوله رق موافق نفس الامر
بولنمش اولدیغندن قانون من بورك ایکوز اوتوز
ایکنجی ماده سی موجبجه اعلام مذکورك نقضیه
ایکیوز قرق دردنجی ماده سی حکمنه توفیقاً
کیفیتک یکیدن بالرؤیه اعلامه ربطی ضمانتده
محکمه مرقومه به اعاده سنه وزیرده مقررانی مرقم

در تیوز درت بحق غروش مصارف تمیزی به نك
ایلروده حقسز چقه جق طرفه رجوع ایتمك
اوزره اول امرده مستدعی مرقومدن المنسنة
۲۸ کانون ثانی سنه ۳۰۸ تاریخده متفقاً قرار
ویریلرک تفهیم قلندی .

اردک بدایت محکمه سندن ۱۱ ایلول سنه ۳۰۶
تاریخی وقرق اوج عددی ایله صادر اولان
اعلامك تمیزی استدعا ایدن در سعادتده بارنطان
خاننده موقه مقیم اردک قضیه سی اسکله ماتزی
هاجی سرکر ایله تمیزی علیه اردک دائره بلدییه سی
رئیی یوم معینده دائره به کلدیکنندن باش مدعی
عمومی معاونلرندن سعادتلو یورغاکی افندیك
مطالعه نامه سی التذقدن صکره اصول محاکمه حقوقیه
قانوننك ایکوز یکرمی طموزنجی ماده سی موجبجه
تدقیقات تمیزی به اجرا سنه ابتدار قلندی .

اعلام مذکورك خلاصه مالی مرقوم سرکرک

اوچيوز التي سنه سنه محسوباً التزام ايلديكى
روموركور واپورينه يوك و يولجى تحميلة بلديه
رياستى طرفندن مخالفت اولنديغندن بحاله اويولده
وقوعه كلان بش بينك غروش ضرر وزيانك
بدل التزامدن تزيلى طلب ودعوى ايتيش ايسهده
محكمه جبه مجله نك بيك التي يوز اوتوز دردنجي
ماده سي موجبجه مرقوم سرگزك مومى اليه
خضم اوله ميسه جفته قرار ويرلد يكنندن

مابعدى وار

اعلان

متوفى عثمان بك ورثه سنك سعادتلو محمد
حجى الدين بك ايله فاطمه خانم ذمتنده قسمت عسكرى
محكمه سندن ويريلان ۲۰ محرم سنه ۳۰۴ تاريخلى
برقطعه ادانه حجتي موجبجه الاجقلى اولان
مبالغ معلومه نك تأمين استيفاسى ضمنتده مديونان

مومى اليهمانك عهده لرنده اولوب مرهون
وفروختى محكوم بولنان قاضى قريه سنده عثمان اغا
محله سنده سراى آرقه سي زقاغنده واقع تر بيعاً
يكرمى يدى بيك زراع صرف ملك برقطعه باغ
محلى بوندى اقدام مزايده يه قونيله رق ايرا يوز
غروشدين يكرمى بيك غروش بدل ايله طالى
اوزرنده تقرر ايتيش اولديغندن يوزده بش ضميله
بوندى دها زياده يه طالب اوللرك اشبو تاريخ
اعلاندى اعتباراً اوتوز بركون طرفنده درسعادت
اعلامات شرعيه اجرا دائره سنه مراجعت ايلملرى
ومدت مذكوره ختامندن صكره مذكور باغ
محلى تقرر ايده جك بدل ايله طالى عهده سنه معامله
فراغيه سي اجرا قلته جنى دائره مذكوره دن
اعلان اولنور .

في ۱۲ مايس سنه ۳۰۹

محمد اغانك $\frac{311}{178}$ نومرولى اعلام موجبجه
بقال اقيمه محكوم به دينى اولان معلوم المقدار
مبالغك تأمين استيفاسى ضمنتده مديون مومى اليهك

حفاف الحاج السيد محمد اغا وقفندن طوپخانه ده
اتمكجي باشى محله سنده اوچنجى سد سواقنده
بش نومروايه مرقم متصرف اولدينى تريعا ايتيش
آرشون التي پارمق برقطعه عرصه تاريخ اعلاندى
اعتباراً اون بش كون صكره بلزايده فروخت
ايتديريله جكي بك اوغلى بدایت محكمه سي اجرا
مأموريتى جانبندن اعلان اولنور .

في ۱۲ مايس سنه ۳۰۹


في ۹ ذى القعدة سنه ۳۱۰
وفي ۱۳ مايس سنه ۳۰۹

صحافلر جاده سنده ۹۰ نومرولى دكانده عبود
افندى زاده محمد توفيق بكك مرجانده كهربار جى
خاننده ساكن اولوب برسنه دنبروخان مذكوردن
چيقوب كيتمش واقامتسكاهنك مجهول اولدينى
اصولاً تنظيم ومباشرى معرفيله تبليغ وارسال
اولنان دعوتيه ورقه سي زرينه اوطة باشيسى
طرفندن يازيلان شرحدن اكلاشلمش اولان
كامل زاده حسن اغا غليهنه اقامه ايلديكى افلاس
ادعاسى اوچيوز طقوز سنه سي حزينانك اون

جوانى افندي نك بفتحچوان نيقولى ولد يانى
ذمتنده قسمت عسكرى محكمه سندن اعطا بيوريلان
برقطعه مقتضا اعلامى موجبجه الاجنى اولان
مبلغ معلومه نك تأمين استيفاسى ضمنتده مديون
مرقومك عهده سنده اولوب دينى مقابلنده وفاء

مفروغ و فروختی محکوم بولنان استانبولده
عورت بازاری قریبده حویبار محله سنده
شیخ الحرم زقاغنده واقع اون درت نومرو ایلده
مرقم مشتملات معلومه بی حاوی بر قطه بوستان
کدکنک نصف حصه شایعه سی بوندن اول
مزایده قونیه رقی لیرا یوز غروش حسابیه بش
بیک درت یوز غروشده طالبی اوزرنده تقرر
ایتمش اولدیغندن یوزده بش ضمیمه ودها زیاده
طالب اولنار و اطرافیه معلومات المقی استیانلرک
اشبو تاریخ اعلاندن اعتباراً اوتوز برکون طرفنده
درساعات اعلامات شرعیه اجرا دائره سنده
مراجعت ایلملری و مدت مذکوره ختامندن
صکره بی و ضم قبول اولنمیه رقی معامله نظامیه سی
اجرا قلنه جفی دائره مذکوره دن اعلان اولنور.

فی ۱۵ مایس سنه ۳۰۹



دوقتور عزتلو حسین خلقی بکک برنجی
حقوق دائره سندن استحصال ایلمدیکی اعلام

موجبجه بایزید قریبده یوز اوتوز نومرولی
دکانده ساکن ایکن غیوبت ایدن یاوز ارغللری
کامل و خلیل اغالر ذمترلنده الاجفی بولنان مبالغ
معلومه نیک تأمین استیفاسی ضمننده مدیونان مومی
الیهمانک مالی اولوب مرهون و فروختی محکوم
بولنان قوم قبو خارجنده کورجکی باشی سلیمان اغا
محله سنده کوچک دکر سواقاغنده الی نومرولی
نصف چامه شویجی کدکی حصه سنک تاریخ اعلاندن
اعتباراً اون بش کون صکره بالمزایده فروخته
تثبت اولنه جفندن اشتراسه طالب اولنلرک ودها
زیاده معلومات المقی استیانلرک مدت مذکوره
طرفنده دائره اجرایه مراجعتله بی سوزملری
لازم کله جکی درساعات اعلامات نظامیه اجرا
دائرة سندن اعلان اولنور.

فی ۱۷ مایس سنه ۳۰۹



(مطبعة عامره ده طبع اولنمشد)